

Broj: 10-11/5-2098-9/2024
Sarajevo, 13.12.2024. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH”, broj 39/14, 59/22 i 50/24), federalni ministar poljoprivrede, vodoprivrede i šumarstva d o n o s i

ODLUKU

o izboru najpovoljnijeg ponuđača za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva

I

Prihvata se preporuka Komisije za javne nabavke i nakon provedenog konkurentskog postupka ugovor za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva dodjeljuje se ponuđaču „HOLDINA“ d.o.o. Sarajevo, za ponudu broj: 012/40005515/03-12-24/389 od 05.12.2024. godine od 35.290,00 KM bez PDV-a.

II

Ova Odluka bit će objavljena na službenoj internetskoj stranici Federalnog ministarstva poljoprivrede, vodoprivrede i šumarstva (www.fmpvs.gov.ba) istovremeno s njenim upućivanjem ponuđačima koji su učestvovali u postupku javne nabavke.

III

Ugovorni organ će sa ponuđačem iz tačke I ove Odluke zaključiti ugovor kojim će se regulisati međusobna prava i obaveze vezana za predmetnu javnu nabavku, a u skladu sa uslovima definisanim u Ponudi za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva i zakonskim propisima koji regulišu postupak ugovaranja.

Obrazloženje

Federalno ministarstvo poljoprivrede, vodoprivrede i šumarstva donijelo je Odluku o pokretanju konkurentskog zahtjeva uz primjenu „e-aukcije“ za nabavku roba – nafte i destilata broj: 10-11/5-2098/24 od 08.11.2024. godine.

Obavještenje o nabavci objavljeno je na Portalu javnih nabavki pod brojem: 855-7-1-22-3-29/24/24 od 22.11.2024. godine.

Do krajnjeg roka utvrđenog u zahtjevu za dostavu ponuda pristigle su slijedeće ponude ponuđača, i to:

1. „HIFA PETROL“ D.O.O. SARAJEVO, u iznosu od 36.740,00 KM bez PDV-a
2. „HOLDINA“ D.O.O. SARAJEVO, u iznosu od 35.290,00 KM bez PDV-a

Sve ponude su blagovremno pristigle.

Komisija za javne nabavke, imenovana Rješenjem broj: 11-04/3-532/24 od 07.03.2024. godine i izmjenom Rješenja od 29.07.2024. godine, izvršila je pregled, ocjenu ponuda i nakon provedene „e-aukcije“, tokom koje nije bilo podnošenja ponuda, rangiranje prema kriteriju najniže cijene ponude, te konstatovala da dostavljene ponude zadovoljavaju uslove iz tenderske dokumentacije za nabavku robe nafte i destilata za potrebe Federalnog ministarstva poljoprivrede, vodoprivrede i šumarstva.

Komisija za javne nabavke je prema utvrđenoj rang listi, a u skladu sa kriterijem najniže cijene ponude, utvrdila da je najpovoljniji ponuđač za nabavku robe nafte i destilata za potrebe Federalnog ministarstva poljoprivrede, vodoprivrede i šumarstva ponuđač „HOLDINA“ D.O.O. Sarajevo.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U skladu sa navedenim, na osnovu člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima u postupku
- Sektor za finansije i računovodstvo
- Komisija za javne nabavke
- Spis predmeta

